



# 中國地方志集成

江蘇府縣志輯 ②⑦

乾隆鎮江府志(一)

江蘇古籍出版社 ● 上海書店 ● 巴蜀書社

中國地方志集成

江蘇府縣志輯②⑦

出版 江蘇古籍出版社

(南京中央路一六五號)

印刷 上海市印刷七廠

發行 新華書店

上海發行所


定價 一七〇元

責任編輯 才惠瑛

封面設計 范一辛

1991年6月第1版 1991年6月第1次印刷

ISBN 7-80519-241-3 / K·121



乾隆鎮江府志(一)




(清)

高得貴

(清)

張九徵等纂

朱霖等增纂



本書五十五卷首一卷，據清乾隆十五年（一七五〇）增刻本影印。

重修鎮江府志序

今上御極之十一年允輔臣

請

詔天下直省府州縣咸修  
輯志書於是直省有司

張序

各設館餼集高才生以  
從事鎮江府舊有志已  
歷八十年則增續而重  
修之凡若干卷徵惟先  
王省方設教列國貢其

風詩所以別貞淫稽奢

儉察淑慝備法戒然後

施之政令以移風易俗

協於大中夫子之作春

秋亦先徵國語志書者

張序

二

猶之風詩國語也若今  
日鎮江府志之修又有  
不盡於是者以天下之  
大勢言之盡域中南北  
之廣而大江介乎其中

限天下之南北者大江也江發源於西蜀之岷山東流萬里而注於海大江又極乎天下之東西也鎮江當大江南北

張序

三

之衝而東際江流入海之盡境其地控天下之樞爲第一阨塞關係治亂之大勢視他郡爲獨重攷之於古孫吳時始

置京城號京口晉稱北府唐改潤州是後遞有沿革然皆方隅外蔽列郡偏帥而已未嘗以天下之全力注之我

張序

四

國家混一區夏烟火萬里盡撤前代西北諸邊之備邇歲上流海徼伏莽未靖惟此江海之交設連帥羅禁兵嚴斥堠歸

然重鎮甲於天下自古  
以來未有建置若斯之  
專且重者也地既控天  
下之樞又處今日極重  
之勢居此地者其亦探

張序

五

安危之原攷得失之本  
審形勢之實而推詳乎  
風俗人才消長升降之  
故山川猶是城郭猶是  
六代而降何以強何以

張序

六

弱何以堅何以脆儲備  
何以無虞設施何以善  
後求其有關天下之大  
計者以裨久安長治之  
道則握管而爲之志豈  
直區區列邱壑土木之  
名矜物產生植之目而  
已乎志成且上之於朝  
天子覽之憬然塵東南顧之  
懷而益進以在德不在

**天**

子覽之憬然塵東南顧之

懷而益進以在德不在

險之旨則衣袂塞繻戒  
於平日而江海之備不  
恃甲兵以斯爲考風俗  
而施政令其義不更大  
歟至於官師之功在斯

張序

七

士紳士之望足具瞻百  
世而下猶相俎豆卽閭  
閻田畷一言一行有當  
於道莫不披其姓字稱  
說不衰苟非然者崇階

廳仕同於腐草甚或指  
摘詈厲子孫羞以爲高  
曾則志書又後學之金  
鏡錄也其凜凜乎頑廉  
懦立哉舊志修於正德

張序

八

六年主之者爲楊邃菴  
少師再修於萬厯之二  
十二年主之者爲王方  
麓總憲今太守高公以  
命徵徵郡人也無足爲

郡重然昔備輜軒之役  
諮諏四方凡所見聞有  
關天下之故者莫不芻  
採而書之於策以庀史  
館其可當吾郡而忽之

張序

九

是志之成將以攷求經  
世之學而不欲徒視爲  
一郡掌故之書也是以  
不敢以不敏辭而謹述  
其旨於篇首云

康熙十四年乙卯春仲郡  
人張九徵公選甫謨



張序

十

重修鎮江府志序

從來千古著撰以作  
史爲難郡志史之分  
見者也鎮江志不修

孫序

者凡數十餘年人往  
事湮考求匪易以歲  
壬子

天子俞輔臣請命各省分

纂郡邑志類呈史館

彙爲一統志用昭一  
代同文之盛前太守  
高公於是設局萬歲

孫序

樓延請鄉先生及郡  
中名士矻矻搜校不  
遺餘力有條有理裒  
萃而爲是書今太守

劉公涖潤踵成盛典

郡志蔚然告竣

謀

以

佐郡亦從兩公後得

與厥事竊於成帙後

孫序

三

亟取誦之見其廣徵

博取彙爲巨觀昭勸

懲寓法戒窮經史之

源流羅古今之事蹟

發皇忠孝闡著幽潛

令讀者可感可勸下

至詮註山水箋疏禽

魚亦莫不援據詳贍

孫序

四

足以爲閱覽博物之

助况鎮江之爲郡襟

江帶海爲建業藩垣

三吳門戶自歷代以

來稱爲控扼要地

聖天子睿慮方殷南顧日

厯桑土綢繆南徐北  
府之間城內外兩設

孫序

五

重鎮旆燾相望而是  
編中於自古戰守兵  
食形勢險阻之故三  
致意焉他日進之於

石渠天祿之間以上

獻

宸覽或可以借備前籌又

不僅資後世之興觀

孫序

六

助文人之博雅已也  
昔人云思報國恩獨  
有文章幸生

當今右文之代載筆編

摩各展稽古之力是  
亦所以云報也夫

康熙十四年歲乙卯四

月之吉

孫序

七

奉政大夫鎮江府同

知三韓孫汝謀謨



重修鎮江府志序

鎮江府自有明正德  
以來重修者三其間  
敘封域形勝井畝戶

高序

一

塵以及山川之壯麗  
人文之蔚起忠孝貞  
烈之大節草木禽魚  
之細類前人述之備

矣龍光奉

簡命承乏茲土歲癸亥

天子允輔臣

詔天下直省府州縣咸

高序

修輯志書彙爲一統

二

志是時鄉先生郡名

賢咸珥筆從事焉龍

光愧不文不敢掠前

人之美而襲其說思

以樹千秋得失之林

著將來法戒之規敢

弁一言今夫志也者

高序

三

猶夫人之志也不徒

旣其文也明矣故曰

以意逆志是爲得之

使其事不期與天壤

並垂焉用志使其人  
不思與日月爭光焉  
用志假使俯仰于宇  
宙品類之間徒視爲

高序

四

陳迹覽城郭人民古  
今興廢忽然不加喜  
戚于其心讀忠臣孝  
子貞婦烈女之辭徒

遜媿而未遑下及飛  
潛動植途歌巷詠不  
能感發其志氣卽使  
累集舊章汗牛充棟

高序

五

不過視爲故紙何志  
之足云故曰有傳人  
無傳政卽一邱一壑  
遇其人則傳否則清

湍修竹蕪沒于空山  
而已今試躡金山登  
北固壯哉山河何以  
强弱異其勢履井畝

高序

六

計財賦咄嗟軍實何  
以盈縮殊其籌南徐  
壁壘北府雲屯禁兵  
斥堠何以永奠于磐

石閭閻之林總市肆  
之熙穰何以勞來而  
安堵津梁賈客樓櫓  
輳泊望長江之浩淼

高序

七

集四海之梯航何以  
柔遠而招徠至若洋  
洋大觀著爲文章何  
以磅礴之氣塞乎天